

湖南苗防屯政考

湖南苗防屯政考

湖南苗防屯政考卷十二

二品銜前署湖南辰永沅靖道但湘良纂

弁勇

詳請頒給新設屯弁分駐段落鈐記

嘉慶十一年

湖南布政使司韓 封

爲詳咨事奉 憲臺批據辰永沅靖道傅爾詳鳳凰乾州永綏並
古丈坪保靖等廳縣均田屯勇設立屯千把外委管帶練勇並經
理礪卡丁田倉貯必須給發鈐記以昭信守而專責成除額外一
項毋庸頒給外合將千把外委各弁應駐扼要地方酌擬字樣造
冊詳請批司刊頒轉給等情奉批仰布政司查照冊開各鈐記轉

飭理問所、迅速督匠照式刊刻、移道給領具報冊、併發仍繳等因、奉此、並准該道造冊移司刊刻前來、本司查該道冊造鳳乾永古丈坪保靖等廳縣設立千把外委屯弁應刊鈐記、核與前奉 憲臺會 奏苗疆經久章程條款內應設千把外委屯弁員名數目相符、除諭飭本司理問照依該道擬定字樣、並查照歷來營弁刊刻鈐記式樣、長二寸四分、闊一寸三分、五釐、用梨木刊刻正字、四圍背柄點錫包裹、移送給領應用外、查各營武職官弁應須鈐記、由司刊頒例、應將刊刻字樣造冊詳賫 大部立案、今鳳乾永等廳縣設立屯弁、前經籌議條款內聲明、卽於廳標現在候補把總外委及熟悉邊情之營弁內、遴選挑補、五年俸滿、把總外委額外

遇有缺出、遞相拔補、咨部給劄、千總准以苗疆守備題補、則該屯弁卽與營制武弁無異、所有由司刊刻鈐記相應造具清冊、詳請憲臺俯賜查閱、咨送大部查核、計開

鳳凰廳

屯千總四缺

鳳凰廳管帶同全坡練勇屯千總之鈐記

鳳凰廳管帶新場堡練勇屯千總之鈐記

鳳凰廳得勝營屯千總之鈐記

鳳凰廳永安卡屯千總之鈐記

屯把總四缺

鳳凰廳分帶同全坡練勇屯把總之鈐記

鳳凰廳分帶新場堡練勇屯把總之鈐記

鳳凰廳分駐麻陽縣城屯把總之鈐記

鳳凰廳分駐浦市屯把總之鈐記

屯外委八缺

鳳凰廳分帶同全坡練勇屯外委之鈐記

鳳凰廳分帶新場堡練勇屯外委之鈐記

鳳凰廳分駐定勝卡屯外委之鈐記

鳳凰廳分駐舊司坪屯外委之鈐記

鳳凰廳分駐羅天寨屯外委之鈴記

鳳凰廳分駐浪中江屯外委之鈴記

鳳凰廳分駐巖門屯外委之鈴記

鳳凰廳分駐四都坪屯外委之鈴記

乾州廳

屯把總一缺

乾州廳分駐新街堡屯把總之鈴記

屯外委一缺

乾州廳分駐灣溪屯外委之鈴記

永綏廳

屯干總二缺

永綏廳花園屯干總鈐記

永綏廳茶洞屯干總鈐記

屯把總二缺

永綏廳分駐獅子橋屯把總之鈐記

永綏廳分駐弭諾屯把總之鈐記

屯外委二員

永綏廳分駐吉洞坪屯外委之鈐記

永綏廳分駐潮水溪屯外委之鈐記

古丈坪廳

屯把總一缺

古丈坪廳分駐龍鼻嘴屯把總之鈐記

保靖縣

屯外委二缺

保靖縣屯外委鈐記

保靖縣分駐印山臺屯外委之鈐記

稟屯把總由道考拔

嘉慶十二年

辰沅傅 肅

敬稟者竊照苗疆新設屯弁案內前准藩司咨奉 憲檄行准

部覆內開期滿世職鄭國鴻拔補屯千總與例不符飭將永綏廳屯千總一缺另選合例屯弁詳送拔補又鳳凰廳具詳分駐浦市屯把總滕重義患病辭休業經職道據情轉詳聲明所遺屯把總一員另容挑選屯弁驗補各在案查上年新設屯弁四十員已將奏明歷年出力應陞之廳標員弁向帶勇丁之百總及熟悉邊情之營弁內分別拔補此次所出屯千把各缺因查無前項合例之人應照 部議於屯把總外委額外內遞相升補現擬各選正副二員申送考驗惟所出屯千總把總各一缺其千總卽請以把總

升補又遺出把總一缺計共三缺共擬正副六員飭赴 憲轅聽
候 鈞定其應行遞拔之外委額外仍遵照原案由道拔放詳請
咨部正在札調各弁來算考驗具詳間茲據鳳永乾州古丈坪保
靖五廳縣屯千總吳貴張友升閔宏瑞蔣雄郭金章屯把總田興
章田祖升滕宏捷張國柱李占春周蓮仲田萬興率同屯外委額
外等稟稱弁等分帶丁勇駐防礮卡經營屯田屯倉任事已來甫
將一載茲奉札飭於各弁中調取把總外委共六員祇候申送
撫部院考補千總把總遺缺屢蒙超拔感悚難名自應卽日起程
馳赴考驗惟現值屯丁栽插之時弁等各依派定段落往來催耕
並稽查礮卡支放口糧等事頭緒紛繁均關緊要若以六人同時

赴省另委兼辦誠恐照察難周或有貽誤又苗疆距省一千一百餘里往返需時一切路費微弁等急切未能設措伏查營制千總缺出分別歸撫憲

督提

憲考拔把總等缺由本標總鎮考拔又

查三廳把總外委由該廳送道拔補各在案上年奏設屯弁係將千總把總兩項俱送前撫憲考驗拔放此次應補各缺可否只

將應考屯千總各弁申送其屯把總各缺請援照三廳標弁之例詳明由道拔補則現在赴省之弁僅須兩員於屯務不致有叢脞之慮實爲恩便等情查上年詳請升任阿撫憲拔補屯千總把總共十四員原因屯政初設必應一併送考以昭慎重未及將千把兩項人員分別請定考拔章程今千把各有缺出送考之弁共

有六員該屯弁等以催督屯耕未便同時晉省並因程途稍遠資

斧維艱合詞具稟均係實在情形至三廳把總外委由道拔補之

例

職道

調查原案久奉 兵部議准遵行今苗疆所設屯弁 奏

明各歸廳縣管轄總隸辰沅道統屬考核似與三廳標弁事同一律不敢壅於上 聞可否俯如該屯弁所請將屯把總各缺卽由

職道

考驗詳請以示體卹之處理合據情轉稟恭請 訓示如蒙

鈞允所有永綏屯千總一缺卽遵選屯把總二員申送考拔其所遺屯把總各缺另容挑補分案具詳

部覆五廳縣添設屯守備六員

嘉慶十四年六月准咨

兵部爲遵

旨議奏事內閣鈔出湖南巡撫景安奏稱據現陞湖南臬司辰沅道傅

鼐詳稱湖南鳳凰乾州永綏古丈坪保靖瀘溪麻陽七廳縣均田

屯勇前經奏淮安設屯弁經理惟查各廳縣屯丁七千名練勇一

千名均專派各屯弁管帶調遣其各路均出歸屯田畝及續後開

墾並官贖苗當民田共計田土八萬五千六百餘畝一切督耕催

租等事亦責成各屯弁管理人數旣多田畝亦復不少僅設屯干

把外委等四十員名實有難以兼顧之勢又挑畱苗兵五千名原

派苗弁管帶其先後苗繳叛產佔田及苗人呈出田土共四萬二

千一百餘畝亦令苗弁召佃收租支發口糧因苗弁經理未能盡善歷年均由道委員幫同管帶苗兵並監同催租支放尙皆妥協第所委之員均非現任不時更換亦非長計且統計屯丁練勇苗兵共一萬三千名僅止屯干把外委及派委微末員弁管帶難資約束設將來遇有征調更恐不能得力請添設屯守備六員分駐各廳縣就近經理鳳凰廳丁勇苗兵七千名擬添設屯守備三員永綏廳屯丁苗兵三千八百名擬添設屯守備二員乾州古丈坪保靖三廳縣共屯丁苗兵二千二百名擬添設屯守備一員責令操演丁勇苗兵經管鎗械子藥軍裝其督理催租等事一體責成該守備等重率各屯弁分理仍歸辰沅道統轄俾得遞相稽核所

有員缺應請於熟悉苗情屯務之營員及屯千總內遴選升調至
原設屯弁四十員分辦五廳縣屯務實屬不敷並請添設屯把總
二員外委四員額外外委四員酌量派駐與原設各屯弁分理屯
務一體歸廳縣管轄至挑丁投田等事仍照舊章均歸廳縣管理
守備不准干預該守備亦當予以升階應請照苗疆營守備之例
定以五年俸滿如果始終奮勉准以營都司題升所需分例照
依營制守備每員歲支銀三百三十餘兩把總每員歲支銀一百
四十餘兩外委每員歲支銀五十餘兩額外外委照馬兵分例每
員歲支銀三十餘兩共歲支銀一千六百七十餘兩查近年鳳永
二廳屯丁陸續開墾田二千六百九十餘畝現屆成熟請卽以屯